



Համախմբված Ֆինանսական
հաշվետվություններ և

Անկախ աուդիտորական եզրակացություն

"ԴԱՏԱԱՐՏ.ԱՄ"

Սահմանափակ Պատասխանատվությամբ
Ընկերություն

31 դեկտեմբերի 2022թ.

“Ֆոր Էյ Քոնսալթինգ” ՓԲԸ

audit



accounting

advisory

“Four A Consulting” CJSC

assurance

ՀԱՊ ՀՅ Ռեեստր 1 20 0219
Հասցե Նալբանդյան 50/136, ք. Երևան ՀՀ.
Հեռախոս +374(10) 52 08 47

www.4aconsulting.am
info@4aconsulting.am

CAA NGO Register 1 20 0219
Address Nalbandyan 50/136, Yerevan, RA
Telephone +374(10) 52 08 47

ԱՆԿԱՆ ԱՌԻԴՏՈՐԱԿԱՆ ԵԶՐԱԿԱՑՈՒԹՅՈՒՆ

“ԴԱՏԱԱՐՏ.ԱՄ” ՍՊԸ-ի մասնակցին,

Կարծիք

Մենք աուդիտի ենք ենթարկել “ԴԱՏԱԱՐՏ.ԱՄ” ՍՊԸ (Խումբ) և նրա դուստր ընկերության (միասին՝ Խումբ) համախմբված ֆինանսական հաշվետվությունները, որոնք ներառում են ֆինանսական վիճակի մասին համախմբված հաշվետվությունը՝ առ 31 դեկտեմբերի 2022թ., ինչպես նաև այդ ամսաթվին ավարտված տարվա համապարփակ ֆինանսական արդյունքի, սեփական կապիտալում փոփոխությունների և դրամական միջոցների հոսքերի մասին համախմբված հաշվետվությունները և համախմբված ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականության ամփոփը:

Մեր կարծիքով, կից համախմբված ֆինանսական հաշվետվությունները բոլոր էական առումներով տալիս են Խմբի 2022 թվականի դեկտեմբերի 31-ի դրությամբ ֆինանսական վիճակի, ինչպես նաև այդ ամսաթվին ավարտված տարվա ֆինանսական արդյունքի, սեփական կապիտալում փոփոխությունների և դրամական միջոցների հոսքերի ճշմարիտ և իրական պատկերը՝ համաձայն փոքր եւ միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ):

Կարծիքի հիմք

Աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության “Աուդիտորի պատասխանատվությունը համախմբված ֆինանսական հաշվետվությունների աուդիտի համար” բաժնում: Մենք անկախ ենք Խմբից՝ համաձայն Հաշվապահների էթիկայի Միջազգային Ստանդարտների Խորհրդի կողմից հրապարակված “Պրոֆեսիոնալ հաշվապահների էթիկայի կանոնագրքի” (ՀԷՄՍԽ կանոնագիրք) և պահպանել ենք էթիկայի այլ պահանջները՝ համաձայն ՀԷՄՍԽ կանոնների և Հայաստանի հանրապետությունում ֆինանսական հաշվետվությունների աուդիտին վերաբերող էթիկայի պահանջների: Մենք համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

Այլ հանգամանք

Խմբի համադրելի տեղեկատվությունը՝ 2021թ. համախմբված ֆինանսական հաշվետվությունները աուդիտի չեն ենթարկվել:

Համախմբված ֆինանսական հաշվետվությունների համար ղեկավարության և կառավարման լիազոր անձանց պատասխանատվությունը

Ղեկավարությունը պատասխանատվություն է կրում համախմբված ֆինանսական հաշվետվությունների պատրաստման համար, որոնք տալիս են ճշմարիտ և իրական պատկեր ՓՄԿ-ների ՖՀՄՍ-ի համաձայն, և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ համախմբված ֆինանսական հաշվետվությունների պատրաստումը ապահովելու համար:

Համախմբված ֆինանսական հաշվետվությունները պատրաստելիս՝ ղեկավարությունը պատասխանատու է խմբի անընդհատ գործելու կարողության գնահատման համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի խումբը լուծարելու կամ խմբի գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլ ընտրանք:

Կառավարման լիազոր անձինք պատասխանատու են ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը համախմբված ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ համախմբված ֆինանսական հաշվետվությունները բոլոր էական առումներով զերծ են էական խեղաթյուրումներից, անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն:

Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ սխալի կամ խարդախության արդյունքում, և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած, կազդեն համախմբված ֆինանսական հաշվետվություններին օգտագործողների՝ այդ համախմբված ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- հատկորոշում և գնահատում ենք խարդախության կամ սխալի հետևանքով համախմբված ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավականաչափ և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:

- ձեռք ենք բերում առողիտին վերաբերող ներքին հսկողության մասին պատկերացում տվյալ հանգամանքներին համապատասխան առողիտորական ընթացակարգեր նախագծելու, և ոչ թե խմբի ներքին հսկողության արդյունավետության վերաբերյալ կարծիք արտահայտելու համար.
- գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը.
- եզրահանգում ենք ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ, և հիմնվելով ձեռք բերված առողիտորական ապացույցների վրա՝ գնահատում ենք՝ արդյոք առկա է էական անորոշություն ղեպերի կամ իրավիճակների վերաբերյալ, որոնք կարող են նշանակալի կասկած հարուցել խմբի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է առողիտորի եզրակացությունում ուշադրություն հրավիրել համախմբված ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը:

Մեր եզրահանգումները հիմնված են միևնույն մեր եզրակացության ամսաթիվը ձեռք բերված առողիտորական ապացույցների վրա: Սակայն, ապագա ղեպերը կամ իրավիճակները կարող են ստիպել խումբը դադարեցնել անընդհատության հիմունքի կիրառումը:

Կառավարման լիազոր անձանց, ի թիվս այլ հարցերի, հաղորդակցում ենք առողիտի առաջադրանքի պլանավորված շրջանակի և ժամկետների, ինչպես նաև առողիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

14 հունիսի 2023թ.

Անիկ Մարտիրոսյան
Տնօրեն-Բաժնետեր - Առողիտոր



Ֆինանսական վիճակի մասին համախմբված հաշվետվություն

		2022թ. դեկտեմբերի 31-ի Օանոթ. դրությամբ	2021թ. դեկտեմբերի 31-ի դրությամբ
Հազար դրամ			
Ակտիվներ			
<i>Ոչ ընթացիկ ակտիվներ</i>			
Հիմնական միջոցներ	4	427,194	165,348
Ոչ կյուրական ակտիվներ		1,560	267
Հետաձգված հարկային ակտիվներ	5	80,611	26,397
		<u>509,365</u>	<u>192,012</u>
<i>Ընթացիկ ակտիվներ</i>			
Պաշարներ		219	311
Առևտրային և այլ դեբիտորական պարտքեր	6	491,346	591,972
Մնացորդներ դրամարկղում և բանկերում	7	171,652	62,483
		<u>663,217</u>	<u>654,766</u>
Ընդամենը ակտիվներ		<u>1,172,582</u>	<u>846,778</u>
		-	-
Սեփական կապիտալ և պարտավորություններ		-	-
<i>Կապիտալ և պահուստներ</i>			
Կանոնադրական կապիտալ	8	10	10
Արտարժույթի վերագնահատման պահուստ		(1,458)	57
Կուտակված շահույթ		125,968	106,270
		<u>124,520</u>	<u>106,337</u>
<i>Ընթացիկ պարտավորություններ</i>			
Առևտրային և այլ կրեդիտորական պարտքեր	9	981,830	686,793
Շահութահարկի գծով պարտավորություն		66,232	53,648
		<u>1,048,062</u>	<u>740,441</u>
Ընդամենը սեփական կապիտալ և պարտավորություններ		<u>1,172,582</u>	<u>846,778</u>

Համախմբված ֆինանսական հաշվետվությունները հաստատվել են 2023թ. հունիսի 14-ին՝

Արսեն Բաղդասարյան

Միրանուշ Գորգյան

Տնօրեն

Հիշատակող հաշվապահ

Փոքրագետ հաշվապահ ՀԳԳՀ 3 23 0799

Ֆինանսական վիճակի մասին համախմբված ֆինանսական հաշվետվությունները պետք է ընթերցվի այս համախմբված ֆինանսական հաշվետվությունների բաղկացուցիչ մասը հաշվառող 10-ից մինչև 26-րդ էջերում ներկայացված կից ծանոթագրությունների հետ մեկտեղ՝

Համապարփակ ֆինանսական արդյունքների մասին համախմբված հաշվետվություն

		2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի
<i>Հազար դրամ</i>	<i>Ծանոթ.</i>		
Հասույթ	10	14,174,956	3,123,779
Այլ եկամուտ	11	508,941	6,039
		<u>14,683,897</u>	<u>3,129,818</u>
Աշխատավարձի ծախսեր		(13,365,223)	(2,641,872)
Մաշվածություն և ամորտիզացիա		(253,753)	(78,162)
Այլ ծախսեր	12	(1,062,967)	(230,884)
Գործառնական գործունեությունից շահույթ		<u>1,954</u>	<u>178,900</u>
		-	-
Ֆինանսական ծախսեր		(547)	-
Փոխարժեքային տարբերությունից օգուտ	13	76,174	5,748
Շահույթ մինչև հարկելը		<u>77,581</u>	<u>184,648</u>
Շահութահարկի գծով ծախս	14	(47,497)	(39,661)
Զուտ շահույթ		<u>30,084</u>	<u>144,987</u>
		-	-
Այլ համապարփակ ֆինանսական արդյունքներ		-	-
<i>Հոդվածներ, որոնք հետագայում չեն վերադասակարգվի շահույթին կամ վնասին</i>		-	-
Արտարժույթի վերագնահատման պահուստ		(1,515)	57
<i>Հոդվածներ, որոնք հետագայում կվերադասակարգվեն շահույթին կամ վնասին</i>		-	-
		-	-
Տարվա այլ համապարփակ ֆինանսական արդյունքներ հարկումից հետո		<u>-</u>	<u>-</u>
Ընդամենը տարվա համապարփակ ֆինանսական արդյունքներ		<u>28,569</u>	<u>145,044</u>

Համապարփակ ֆինանսական արդյունքների մասին համախմբված հաշվետվությունը պետք է ընթերցվի այս համախմբված ֆինանսական հաշվետվությունների բաղկացուցիչ մասը կազմող 10-ից մինչև 26-րդ էջերում ներկայացված կից ծանոթագրությունների հետ մեկտեղ:

Սեփական կապիտալում փոփոխությունների մասին համախմբված հաշվետվություն

Հազար դրամ	Կանոնադրական կապիտալ	Արտարժույթի վերագնահատման պահուստ	Կուտակված շահույթ/(վնաս)	Ընդամենը
2021թ. հունվարի 1-ի դրությամբ	10	-	(38,717)	(38,707)
Տարվա շահույթ			144,987	144,987
Ընդամենը տարվա համապարփակ ֆինանսական արդյունքներ		57	144,987	145,044
Շահաբաժիններ			-	-
2021թ. դեկտեմբերի 31-ի դրությամբ	10	57	106,270	106,337
Տարվա շահույթ			30,084	30,084
Ընդամենը տարվա համապարփակ ֆինանսական արդյունքներ		(1,515)	30,084	28,569
Շահաբաժիններ			(10,386)	(10,386)
2022թ. դեկտեմբերի 31-ի դրությամբ	10	(1,458)	125,968	124,520

Սեփական կապիտալում փոփոխությունների մասին համախմբված հաշվետվությունը պետք է ընթերցվի այս համախմբված ֆինանսական հաշվետվությունների բաղկացուցիչ մասը կազմող 10-ից մինչև 26-րդ էջերում ներկայացված կլից ծանոթագրությունների հետ մեկտեղ:

Դրամական միջոցների հոսքերի մասին համախմբված հաշվետվություն

	2022թ. դեկտեմբերի 31-ին ավարտված տարի	2021թ. դեկտեմբերի 31-ին ավարտված տարի
Հազար դրամ		
Գործառնական գործունեությունից դրամական միջոցների հոսքեր		
Տարվա շահույթ	30,084	144,987
<i>ճշգրտումներ</i>		
Մաշվածություն և ամորտիզացիա	253,753	78,162
Շահութահարկի գծով ծախս	47,497	39,661
Տոկոսային ծախս	547	-
Հիմնական միջոցի դուրսգրումից վնաս	380	-
Արտարժույթի վերագնահատման պահուստ	(1,515)	57
Փոխարժեքային տարբերությունից շահույթ	(76,174)	(5,748)
<i>Գործառնական շահույթ նախքան շրջանառու կապիտալի փոփոխություններ</i>	<i>254,572</i>	<i>257,119</i>
Պաշարների փոփոխություն	92	(194)
Առևտրային և այլ դեբիտորական պարտքերի փոփոխություն	185,409	(507,642)
Առևտրային և այլ կրեդիտորական պարտքերի փոփոխություն	295,688	538,834
Գործառնական գործունեությունից ստացված դրամական միջոցներ	735,761	288,117
Վճարված տոկոսներ	(547)	-
Վճարված շահութահարկ	(89,127)	(7,956)
<i>Գործառնական գործունեությունից ստացված գուտ դրամական միջոցներ</i>	<i>646,087</i>	<i>280,161</i>
Ներդրումային գործունեությունից դրամական միջոցների հոսքեր		
Ոչ ընթացիկ ակտիվների ձեռքբերում	(521,145)	(208,645)
Արտարժույթով հաշվառված հիմնական միջոցի արժեքի ճշգրտում	3,873	249
<i>Ներդրումային գործունեության համար օգտագործված գուտ դրամական միջոցներ</i>	<i>(517,272)</i>	<i>(208,396)</i>
Ֆինանսական գործունեությունից դրամական միջոցների հոսքեր		
Վարկեր մարում, զուտ	-	-
Շահաբաժիններ	(10,386)	-
<i>Ֆինանսական գործունեությունից ստացված/ գործունեության համար օգտագործված գուտ դրամական միջոցներ</i>	<i>(10,386)</i>	<i>-</i>
Դրամարկդում և բանկերում մնացորդների զուտ աճ	118,429	71,765
Արտարժույթի փոխարժեքի ազդեցությունը դրամական միջոցների վրա	(9,260)	(12,448)
Մնացորդներ դրամարկդում և բանկերում տարվա սկզբում	62,483	3,166
Մնացորդներ դրամարկդում և բանկերում տարվա վերջում	171,652	62,483

Դրամական միջոցների հոսքերի մասին համախմբված հաշվետվությունը պետք է ընթերցվի այս համախմբված ֆինանսական հաշվետվությունների բաղկացուցիչ մասը կազմող 10-ից մինչև 26-րդ էջերում ներկայացված կից ծանոթագրությունների հետ մեկտեղ:

Համախմբված ֆինանսական հաշվետվություններին կից ծանոթագրություններ

1 Գործառնությունների բնույթը և ընդհանուր տեղեկատվություն

"ԴԱՏԱԱՐՏ.ԱՄ" սահմանապակ պատասխանատվությամբ ընկերությունը (Մայր ընկերություն) Հայաստանի Հանրապետության օրենսդրությամբ սահմանված կարգով իրավաբանական անձանց պետական ռեգիստրում գրանցվել է 2019թ. փետրվարի 11-ին:

Մայր ընկերության միակ մասնակիցն է.

- Արսեն Բաղդասարյան (ՀՀ քաղաքացի) 100 % բաժնեմաս:

Մայր ընկերության հիմնական գործունեությունն է տարբեր բիզնես ոլորտների համար ծրագրային ապահովման մշակումը:

Մայր ընկերության իրավաբանական հասցեն է՝ Հայաստանի Հանրապետություն, ք. Երևան 0038, Աջափնյակ, Էստոնական փողոց, բն 9:

2022թ. Խմբի աշխատողների տարեկան միջին թիվը կազմել է 616 մարդ (2021թ.՝ 178մարդ):

2 Պատրաստման հիմքերը

2.1 Համապատասխանություն

Համախմբված ֆինանսական հաշվետվությունները պատրաստվել են փոքր եւ միջին կազմակերպությունների ֆինանսական հաշվետվությունների միջազգային ստանդարտին (ՓՄԿ-ների ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՄԽ) կողմից:

2.2 Ճանաչման հիմքեր

Համախմբված ֆինանսական հաշվետվությունները պատրաստվել են սկզբնական արժեքի սկզբունքով, բացառությամբ որոշ ֆինանսական գործիքների, որոնք ներկայացվել են իրական արժեքով:

2.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Մայր ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Մայր ընկերության գործարքների տնտեսական բովանդակությունը:

Դուստր ընկերության գործառնական արժույթը վրացական լարին է:

Սույն համախմբված ֆինանսական հաշվետվությունները ներկայացված են հայկական դրամով, քանի որ ղեկավարության համոզմամբ այս արժույթն առավել օգտակար է Խմբի ֆինանսական համախմբված հաշվետվություններն օգտագործողների համար: Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

2.4 Գնահատումների և դատողությունների կիրառում

ՓՄԿ-ների ՖՀՄՍ-ին համապատասխան համախմբված ֆինանսական հաշվետվությունների պատրաստումը պահանջում է, որպեսզի Խմբի ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում համախմբված ֆինանսական

հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա:

Առավել մեծ դատողություն պահանջող և բարդություն ներկայացնող էական ոլորտները, կամ այն ոլորտները, որտեղ ենթադրություններն ու գնահատումներն էական են համախմբված ֆինանսական հաշվետվությունների համար, բացահայտված են ֆինանսական համախմբված հաշվետվություններին կից ծանոթագրություն 15-ում:

2.5 Դուստր ընկերություն

Մայր ընկերությունն ունի հետևյալ դուստր ընկերություններ.

2022թ. դեկտեմբերի 31 դուստր ընկերություն	Մա սնաբ ածին %	Գրան ցման երկիր	Գրանցմ ան ամսաթիվ	Գործունեության ոլորտ
ԴԱՏԱԱՐՏ Վրաստան	100	Վրաս տան	18.08.2021	Ծրագրային ապահովման մշակում

Մայր ընկերությունը դուստր ընկերությունը հիմնադրել է 2021թ. :

3 Հաշվապահական հաշվառման քաղաքականություն

3.1 Արտարժույթ

Արտարժույթով գործարքներ

Համախմբված ֆինանսական հաշվետվություններ պատրաստելիս Խմբի համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության Կենտրոնական բանկի (ՀՀ ԿԲ) կողմից հրապարակված միջին փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները պետք է վերահաշվարկվեն՝ կիրառելով հաշվետու ամսաթվի դրությամբ ՀՀ ԿԲ կողմից հրապարակված միջին փոխարժեքը: Իրական արժեքով հաշվառվող և արտարժույթով սահմանված ոչ դրամային հոդվածները վերահաշվարկվում են գործարքի օրվա դրությամբ գործող փոխարժեքով: Ոչ դրամային հոդվածները, որոնց սկզբնական արժեքը՝ հաշվառվում է արտարժույթով, չեն վերահաշվարկվում: Ստորև ներկայացված են ՀՀ Կենտրոնական բանկի կողմից հրապարակված միջին փոխարժեքները.

	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
Ռուբլի	5.59	6.42
ԱՄՆ դոլար	393.57	480.14
Եվրո	420.06	542.61
Լարի	145.77	154.93
Ֆունտ ստերլինգ	474.13	646.17

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում: Իրական արժեքով արտահայտված ոչ դրամային հոդվածների վերահաշվարկումից առաջացած փոխարժեքային տարբերությունները ներառվում են ժամանակաշրջանի շահույթում կամ վնասում, բացառությամբ այն ոչ դրամային հոդվածների վերահաշվարկումից առաջացած տարբերությունների, որոնց վերաբերող շահույթը կամ վնասը ճանաչվում է ուղղակիորեն սեփական կապիտալում:

3.2 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը և պարտադիր այլ վճարներ, որոնք ենթակա չեն վերադարձման և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի ու ակտիվի հաշվեկշռային արժեքի տարբերությամբ և ճանաչվում է համապարփակ ֆինանսական արդյունքների մասին համախմբված հաշվետվությունում:

Հիմնական միջոցի առանձին հաշվառվող միավորի բաղկացուցչի փոխարինման ծախսումները, որոնք հաշվառվում են որպես առանձին ակտիվ, կապիտալացվում են դուրս գրված բաղկացուցչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են համապարփակ ֆինանսական արդյունքների մասին համախմբված հաշվետվությունում՝ կատարվելու ժամանակաշրջանում:

Մաշվածությունը ճանաչվում է համապարփակ ֆինանսական արդյունքների մասին համախմբված հաշվետվությունում՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

Վարձակալված ակտիվների վրա կատարված բարելավումներ	1-8 տարի
Գրասենյակային սարքավորումներ	1-8 տարի,
Կահույք և հարմարանքներ	1-8 տարի,
Համակարգչային սարքավորումներ	1-3 տարի:

3.3 Ոչ նյութական ակտիվներ

Ոչ նյութական ակտիվները, որոնք ձեռք են բերվել Խմբի կողմից և ունեն օգտակար ծառայության ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում են համապարփակ ֆինանսական արդյունքների մասին համախմբված հաշվետվությունում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 12-36 ամիս համակարգչային ծրագրի և այլ ոչ նյութական ակտիվների համար:

3.4 Հիմնական միջոցների և ոչ նյութական ակտիվներ արժեզրկում

Անորոշ օգտակար ծառայության ժամկետ ունեցող ակտիվները չեն ամորտիզացվում և յուրաքանչյուր տարի ենթարկվում են արժեզրկման ստուգման: Մաշվող ակտիվները արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է

չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի գույքի և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլինի, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ համապարփակ ֆինանսական արդյունքների մասին համախմբված հաշվետվությունում, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

3.5 Վարձակալված ակտիվներ

Վարձակալությունները դիտվում են որպես գործառնական վարձակալություններ: Գործառնական վարձակալության գծով վճարները ճանաչվում են որպես ծախս գծային հիմունքով: Վարձակալության հետ կապված ծախսերը, ինչպիսիք են պահպանման և ապահովագրության ծախսերը, ծախսագրվում են իրականացման պահին:

3.6 Պաշարներ

Պաշարները հաշվառվում են ինքնարժեքից և իրացման գույք արժեքից նվազագույնով: Իրացման գույք արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է՝ օգտագործելով առաջին՝ մուտք, առաջին՝ ելք մեթոդը և ներառում է պաշարների ձեռքբերման, ինչպես նաև դրանք իրենց ներկայիս վիճակին և գտնվելու վայր հասցնելու ծախսերը:

3.7 Ֆինանսական գործիքներ

Ճանաչում և ապաճանաչում

Ֆինանսական ակտիվները կամ ֆինանսական պարտավորությունները ճանաչվում են, երբ հստակ է դառնում է ֆինանսական գործիքի պայմանագրային կողմ:

Ֆինանսական ակտիվները ապաճանաչվում են, երբ ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները լրանում են, կամ երբ ֆինանսական ակտիվները և բոլոր նշանակալից ռիսկերը և հատուցումները փոխանցվում են:

Ֆինանսական պարտավորությունները ապաճանաչվում են, երբ դրանք մարվում են, ենթակա չեն վճարման, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվների դասակարգում և սկզբնական չափում

Ֆինանսական ակտիվները բաժանվում են հետևյալ կատեգորիաների.

- ֆինանսական ակտիվներ՝ չափվող իրական արժեքով՝ շահույթի կամ վնասի միջոցով,
- վաճառքի համար մատչելի ֆինանսական ակտիվներ,

• փոխառություններ և դեբիտորական պարտքեր:

Ֆինանսական ակտիվները սկզբնական ճանաչման ժամանակ վերագրվում են տարբեր կատեգորիաների՝ կախված գործիքի բնույթից և նպատակից: Ֆինանսական գործիքի կատեգորիան համապատասխանեցվում է այն սկզբունքին, որով չափվում է տվյալ գործիքը և այն հանգամանքին, թե արդյոք առաջացող եկամուտը և ծախսերը ճանաչվում են շահույթում կամ վնասում, թե ուղղակիորեն այլ համապարփակ արդյունքում:

Ֆինանսական ակտիվների հետ կապված բոլոր ծախսերը և եկամուտները որոնք ճանաչվում են շահույթում կամ վնասում, ներկայացվում են “Ֆինանսական ծախս”, “Ֆինանսական եկամուտ” կամ “Այլ ֆինանսական արդյունքներ” հոդվածներում, բացառությամբ առևտրային դեբիտորական պարտքերի արժեզրկման, որը ներկայացվում է “Այլ ծախսեր” հոդվածում:

I. ֆինանսական ակտիվներ՝ չափվող իրական արժեքով՝ շահույթի կամ վնասի միջոցով

Ֆինանսական ակտիվները՝ չափվող իրական արժեքով՝ շահույթի կամ վնասի միջոցով, ներառում են առևտրային նպատակով պահվող ֆինանսական ակտիվները կամ այն ֆինանսական ակտիվները, որոնք որպես չափվող իրական արժեքով՝ շահույթի կամ վնասի միջոցով դասակարգվել են խմբի կողմից՝ սկզբնական ճանաչման ժամանակ: Բոլոր ածանցյալ ֆինանսական գործիքները, որոնք ենթակա չեն հեջավորման, դասակարգվում են այս կատեգորիայում:

Ածանցյալ ֆինանսական գործիքների գծով առաջացած ցանկացած օգուտ կամ վնաս հիմնված է իրական արժեքի փոփոխության վրա, որը որոշվում է՝ ուղղակիորեն վկայակոչելով գործող շուկայում գործարքները կամ գործող շուկայի բացակայության դեպքում՝ գնահատման մեթոդի միջոցով:

II. Վաճառքի համար մատչելի ֆինանսական ակտիվներ

Վաճառքի համար մատչելի ֆինանսական ակտիվները չափվում են իրական արժեքով՝ իրական արժեքի փոփոխությունները ուղղակիորեն ճանաչելով այլ համապարփակ արդյունքներում: Վաճառքի համար մատչելի ֆինանսական ակտիվների կատեգորիայում դասակարգված ֆինանսական գործիքներից առաջացած օգուտը կամ վնասը ճանաչվում է շահույթում կամ վնասում այն դեպքում, երբ նշված ակտիվները վաճառվում են կամ երբ ներդրումն արժեզրկվում է: Արժեզրկման դեպքում ցանկացած վնաս, որը նախկինում ճանաչվել էր այլ համապարփակ արդյունքներում, փոխանցվում է համապարփակ ֆինանսական արդյունքների մասին համախմբված հաշվետվություն: Սեփական կապիտալի գործիքներից առաջացած և համապարփակ ֆինանսական արդյունքների մասին համախմբված հաշվետվությունում ճանաչված վնասները չեն հակադարձվում համապարփակ ֆինանսական արդյունքների մասին համախմբված հաշվետվությունում, այլ ճանաչվում են սեփական կապիտալում:

III. Փոխառություններ և դեբիտորական պարտքեր

Փոխառություններն ու դեբիտորական պարտքերը ֆիքսված կամ որոշելի վճարումներով ոչ ածանցյալ ֆինանսական ակտիվներ են, որոնք չեն գնանշվում ակտիվ շուկայում և ներառում են առևտրային և այլ դեբիտորական պարտքերը, ինչպես նաև մնացորդները դրամարկդում և բանկերում:

IV. Առևտրային և այլ դեբիտորական պարտքեր

Ընթացիկ դեբիտորական պարտքերը սկզբնապես ճանաչվում են իրական արժեքով: Հետագայում դրանք հաշվառվում են ամորտիզացված արժեքով՝ հանած արժեզրկման պահուստը: Առևտրային դեբիտորական պարտքերի արժեզրկման պահուստը ստեղծվում է այն ժամանակ, երբ առկա է օբյեկտիվ ապացույց, որ խումբը սկզբնապես սահմանված

Ժամկետներում չի կարող հավաքագրել վերադարձման ենթակա բոլոր գումարները: Դեբիտորի զգալի ֆինանսական դժվարությունները, վճարման հետաձգումը նվճարումների ուշացումները ցուցանիշ են այն բանի, որ առևտրային դեբիտորական պարտքն արժեզրկված է: Պահուստի գումարը ակտիվի հաշվեկշռային արժեքի և սկզբնական արդյունավետ տոկոսադրույքով զեղչված ապագա դրամական հոսքերի ներկա արժեքի տարբերությունն է:

Պահուստի մնացորդը ճշգրտվում է հաշվետու ժամանակաշրջանի համապարփակ ֆինանսական արդյունքների մասին համախմբված հաշվետվությունում՝ ծախսի կամ եկամտի ճանաչման միջոցով: Հաճախորդի հաշվի մնացորդից դուրս գրվող ցանկացած գումար նվազեցվում է առկա կասկածելի դեբիտորական պարտքի պահուստից: Բոլոր դեբիտորական պարտքերը, որոնց հավաքագրումը գնահատվում է անհավանական, դուրս են գրվում:

V. Մնացորդներ դրամարկդում և բանկերում

Մնացորդները դրամարկդում և բանկերում ներառում են կանխիկ միջոցները և բանկային հաշիվների մնացորդները:

Ֆինանսական ակտիվների արժեզրկում

Յուրաքանչյուր հաշվետու ամսաթվի դրությամբ ֆինանսական ակտիվները, բացառությամբ այն ֆինանսական ակտիվների՝ չափվող իրական արժեքով՝ շահույթի կամ վնասի միջոցով, գնահատվում են արժեզրկման հայտանիշի առկայության համար: Ֆինանսական ակտիվներն արժեզրկված են, եթե առկա է անկողմնակալ վկայություն, որ ֆինանսական ակտիվների սկզբնական ճանաչումից հետո տեղի ունեցած մեկ կամ մի քանի իրադարձություններ ազդել են ակնկալվող դրամական միջոցների հոսքերի վրա:

Ամորտիզացված արժեքով հաշվառվող ֆինանսական ակտիվների գծով արժեզրկման կորուստը հաշվառվում է ակտիվի հաշվեկշռային արժեքի և սկզբնական արդյունավետ տոկոսադրույքով զեղչված դրամական միջոցների ակնկալվող ապագա հոսքերի ներկա արժեքի միջև տարբերությամբ: Բոլոր ֆինանսական ակտիվների համար արժեզրկումից կորուստն ուղղակիորեն նվազեցվում է ֆինանսական ակտիվի հաշվեկշռային արժեքից, բացառությամբ առևտրային դեբիտորական պարտքերի, որոնց հաշվեկշռային արժեքը նվազեցվում է կասկածելի պարտքի պահուստի միջոցով:

Բացառությամբ վաճառքի համար մատչելի սեփական կապիտալի գործիքների, եթե հետագա ժամանակաշրջանում արժեզրկման կորուստը նվազում է և նվազումը օբյեկտիվորեն կարելի է վերագրել արժեքի իջեցումից հետո տեղի ունեցած դեպքերին, ապա նախկինում ճանաչված արժեզրկման կորուստը հակադարձվում է՝ ճանաչվելով համապարփակ ֆինանսական արդյունքների մասին համախմբված հաշվետվությունում այն չափով, որ հակադարձումը չհանգեցնի ֆինանսական ակտիվի այնպիսի հաշվեկշռային արժեքի, որը գերազանցի այն ամորտիզացված արժեքը, որը կլինե, եթե այդ ֆինանսական ակտիվի արժեքի իջեցման հակադարձման ամսաթվի դրությամբ արժեզրկում ճանաչված չլիներ:

Ֆինանսական պարտավորությունների դասակարգում և սկզբնական չափում

Խմբի ֆինանսական պարտավորությունները ներառում են առևտրային և այլ կրեդիտորական պարտքերը:

I. Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով:

3.8 Հատուցումներ աշխատակիցներին

Աշխատակիցների կարճաժամկետ հատուցումները ներառում են աշխատավարձերը, կարճաժամկետ փոխհատուցելի բացակայությունները (ինչպիսիք են, օրինակ, վճարովի տարեկան արձակուրդները և հիվանդության հետ կապված վճարովի արձակուրդները) և պարգևավճարները:

3.9 Հահութահարկ

Ընթացիկ հահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ, ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և հահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գույքի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ոչ հաշվապահական շահույթի, ոչ էլ՝ հարկվող շահույթի վրա (բացի ձեռնարկատիրական գործունեության միավորումներից):

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ խումբը կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

3.10 Հասույթի ճանաչում

Խմբի հասույթը հիմնականում առաջանում է տեղեկատվության մշակման ծառայություններից և ծրագրային ապահովման մշակման ծառայություններից:

4 Հիմնական միջոցներ

	Վարձակալության բարելավումներ	Գրասենյակային սարքավորումներ	Կահույք և հարմարանքներ	Համակարգչային սարքավորումներ	Ընդամենը
Հազար դրամ					
<i>Մկզբնական արժեք</i>					
2021թ. հունվարի 1-ի դրությամբ	2,532	2,327	34,782	47,837	87,478
Ավելացում	860	6,292	21,060	180,251	208,463
Պակասեցում	-	-	-	-	-
Արտարժույթի վերագնահատման տարբերություն				(274)	(274)
2021թ. դեկտեմբերի 31-ի դրությամբ	3,392	8,619	55,842	227,814	295,667
Ավելացում	13,572	24,959	243,847	227,269	509,647
Կապիտալացում	905	-	189	-	1,094
Պակասեցում	-	(380)			(380)
Արտարժույթի վերագնահատման տարբերություն	(315)	(298)	(1,773)	(2,567)	(4,953)
2022թ. դեկտեմբերի 31-ի դրությամբ	17,554	32,900	298,105	452,516	801,075
<i>Կուտակված մաշվածություն և արժեզրկում</i>					
2021թ. հունվարի 1-ի դրությամբ	440	504	5,143	46,304	52,391
Տարվա հաշվարկ	404	819	5,818	70,912	77,953
Դուրսգրում	-	-	-	-	-
Արտարժույթի վերագնահատման տարբերություն				(25)	(25)
2021թ. դեկտեմբերի 31-ի դրությամբ	844	1,323	10,961	117,191	130,319
Տարվա հաշվարկ	4,401	6,573	54,205	179,463	244,642
Դուրսգրում					
Արտարժույթի վերագնահատման տարբերություն	(83)	(70)	(614)	(313)	(1,080)
2022թ. դեկտեմբերի 31-ի դրությամբ	5,162	7,826	64,552	296,341	373,881
<i>Հաշվեկշռային արժեք</i>					
2021թ. դեկտեմբերի 31-ի դրությամբ	2,548	7,296	44,881	110,623	165,348
2022թ. դեկտեմբերի 31-ի դրությամբ	12,392	25,074	233,553	156,175	427,194

2022թ. դեկտեմբերի 31-ի դրությամբ Խումբը չունի գրավադրված հիմնական միջոցներ (2021թ. դեկտեմբերի 31-ի դրությամբ Խումբը չունի գրավադրված հիմնական միջոցներ):

Էական ձեռքբերված հիմնական միջոցներն են՝

Անվանում	հազ. դրամ
Ակուստիկ տաղավար 200-120-227-ներ	13,545
Ցանցային պաշտպանիչ սարք FortiGate-401E Hardware plus 1 Year 24x7 FortiCare and FortiGuard Unified (U	3,593
MacBook Pro-ներ	15,585
Աշխատասեղաններ	29,610
Գրասենյակային արժույթ, բազկաթոռներ	73,884
Մոնիտորներ -Dell	16,888
Դյուրակիր համակարգիչներ- Dell	132,891

2022թ. դեկտեմբերի 31-ի դրությամբ 215,102 հազ.դրամ (2021թ. դեկտեմբերի 31-ի դրությամբ 48,339 հազ. դրամ) սկզբնական արժեքով հիմնական միջոցներ հաշվառվում են գրոյական հաշվեկշռային արժեքով:

5 Հետաձգված հարկեր

Հետաձգված հարկերի շարժը ներկայացված է ստորև.

Հազար դրամ	2022թ.	2021թ.
Տարեսկզբի մնացորդ		
Ֆինանսական արդյունքի մասին համախմբված հաշվետվությունում ճանաչված փոխհատուցում	26,397	9,092
Տարեվերջի մնացորդ	54,214	17,305
	80,611	26,397

2022թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

	2022թ. հունվարի 1	Ֆինանսական արդյունքների մասին համախմբված հաշվետվությունում ճանաչված	2022թ. դեկտեմբերի 31
Հազար դրամ			
Հետաձգված հարկային ակտիվներ			
Արձակուրդի պահուստ	26,397	54,214	80,611
	26,397	54,214	80,611
Հետաձգված հարկային պարտավորություններ			
	-	-	-
Զուտ արդյունք - հետաձգված հարկային ակտիվներ	26,397	54,214	80,611

2021թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

	2021թ. հունվարի 1	Ֆինանսական արդյունքների մասին համախմբված հաշվետվությունում ճանաչված	2021թ. դեկտեմբերի 31
Հազար դրամ			
Հետաձգված հարկային ակտիվներ			
Արձակուրդի պահուստ	9,092	17,305	26,397
	9,092	17,305	26,397
Հետաձգված հարկային պարտավորություններ			
	-	-	-
Զուտ արդյունք - հետաձգված հարկային ակտիվներ	9,092	17,305	26,397

6 Առևտրային և այլ դեբիտորական պարտքեր

	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
Հազար դրամ		
Առևտրային դեբիտորական պարտքեր	294,127	434,632
Տրված կանխավճարներ	158,179	147,736
Դեբիտորական պարտքեր բյուջեի գծով	7,263	281
Դեբիտորական պարտքեր աշխատակիցներին	24,800	6,408
Այլ դեբիտորական պարտքեր	6,977	2,915
	<u>491,346</u>	<u>591,972</u>

Առևտրային դեբիտորական պարտքերի գծով տոկոսներ չեն հաշվարկվում: Առևտրային դեբիտորական պարտքի հավաքագրելիությունը որոշելիս հաշվի է առնվում դեբիտորի պարտքի մարման ժամանակացույցի ցանկացած փոփոխություն՝ սկսած պարտքի առաջացման պահից մինչև հաշվետու ամսաթիվը:

Ղեկավարությունը հավատացած է, որ պետական բյուջեից դեբիտորական պարտքերն ամբողջովին ենթակա են վերականգնման:

7 Դրամական միջոցներ

	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
Հազար դրամ		
Դրամարկդ	-	-
Մնացորդներ բանկերում	171,652	62,483
	<u>171,652</u>	<u>62,483</u>

8 Սեփական կապիտալ

8.1 Կանոնադրական կապիտալ

31.12.2022թ. դրությամբ Մայր ընկերության բաժնեմասերի քանակը կազմում է 1 հատ սովորական բաժնեմաս, որի ընդհանուր արժեքը կազմում է 10 հազար դրամ:

8.2 Շահաբաժիններ

Խումբը 2022թ. հայտարարել է շահաբաժին 10,386 հազար դրամ, 2021թ. Խումբը շահաբաժիններ չի հայտարարել:

9 Առևտրային և այլ կրեդիտորական պարտքեր

	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
Հազար դրամ		
Առևտրային կրեդիտորական պարտքեր	12,228	5,396
Մտացված կանխավճարներ	81,453	406,120
Կրեդիտորական պարտքեր բյուջեի գծով	375,476	124,102
Աշխատավարձի գծով պարտք	3,989	4,391
Արձակուրդի պահուստ	506,685	146,649
Այլ կրեդիտորական պարտքեր	1,999	135
	<u>981,830</u>	<u>686,793</u>

Առևտրային կրեդիտորական պարտքերի գծով տոկոսներ չեն հաշվարկվում: Խումբը ունի ֆինանսական ռիսկի կառավարման քաղաքականություն, որն ապահովում է բոլոր պարտավորությունների ժամանակին կատարում:

10 Հասույթ

	2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի
Հազար դրամ		
Օրացրային ապահովման մշակման ծառայություն	14,174,956	3,123,779
	<u>14,174,956</u>	<u>3,123,779</u>

11 Այլ եկամուտներ

Մայր ընկերությունը ՀՀ Կառավարության 2022թ. մարտի 24-ի № 399- Լ որոշման համաձայն ՀՀ բարձր տեխնոլոգիական արդյունաբերության նախարարությունից ստացել է պետական աջակցություն եկամտային հարկի վերադարձի ձևով: 2022թ. պետական աջակցությունը կազմել է 504,907 հազար դրամ:

12 Այլ ծախսեր

	2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի
Հազար դրամ		
Վարձակալության ծախսեր	479,157	90,895
Ապահովագրական ծախսեր	131,850	36,730
Գործուղման ծախսեր	78,652	6,639
Բանկային ծախսեր	95,394	13,512
Հեռահաղորդակցության ծախսեր	14,327	3,003
Գրասենյակային ծախսեր	121,499	23,725
Անձնակազմի վրա կատարված ծախսեր և HR&PR	90,695	40,827
Այլ ծախսեր	51,393	15,553
	<u>1,062,967</u>	<u>230,884</u>

13 Փոխարժեքային տարբերությունից օգուտ/(վնաս)

	2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի
Հազար դրամ		
Արտարժույթի փոխարժեքի ազդեցությունը		
Դերիտորական պարտքեր	84,782	18,170
Դրամական միջոցներ	(9,260)	(12,448)
Կրեդիտորական պարտքեր	651	26
	<u>76,174</u>	<u>5,748</u>

14 Շահութահարկի գծով ծախս

	2022թ. դեկտեմբերի 31- ին ավարտված տարի	2021թ. դեկտեմբերի 31- ին ավարտված տարի
Հազար դրամ		
Ընթացիկ հարկ	101,710.75	56,966
Հետաձգված հարկ (տես՝ ծանոթագրություն 5)	(54,214)	(17,305)
	<u>47,497</u>	<u>39,661</u>

15 Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի և այլ ցուցանիշների վրա, ներառյալ՝ ապագա ակնկալվող իրադարձությունները, որոնք համարվում են ընդունելի տվյալ հանգամանքներում:

15.1 Կարևոր հաշվապահական գնահատումներ

Խումբը իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները, որպես կանոն, չեն համապատասխանում իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն ճշգրտումների:

Հիմնական միջոցների օգտակար ծառայության ժամկետները

Խմբի ղեկավարությունը գնահատել է հիմնական միջոցների օգտակարության ժամկետները 1-8 տարի է: Խմբի ղեկավարությունը հավատացած է, որ այդ ակտիվների գնահատված օգտակարության ժամկետները էականորեն չեն տարբերվում սպասվելիք տնտեսական ժամկետներից: Եթե այս գնահատումները փոխվեն ապա Խմբի ֆինանսական համախմբված հաշվետվությունները կտարբերվեն:

Հետաձգված հարկի գնահատում

Ինչպես նկարագրված է ծանոթագրություն 5-ում 80,611 հազար դրամի հետաձգված հարկեր են ճանաչվել: Հետաձգված հարկային ակտիվներն ավելանում են արձակուրդի պահուստից: Խմբի ղեկավարությունը հավատացած է, որ Խումբը ապագայում կունենա բավարար հարկվող շահույթ, որպեսզի փոխհատուցի հետաձգված հարկային ակտիվները: Եթե Խումբը ապագայում չկարողանա ստանալ հարկվող շահույթ, ապա հետաձգված հարկային ակտիվները չեն փոխհատուցվի:

16 Ֆինանսական գործիքներ

16.1 Հաշվապահական հաշվառման քաղաքականություններ

Ֆինանսական ակտիվի, ֆինանսական պարտավորության, և բաժնային գործիքի յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 3.7-ում:

16.2 Ֆինանսական գործիքների կատեգորիաները

Ֆինանսական վիճակի մասին համախմբված հաշվետվությունում ներկայացված մնացորդները վերաբերում են ակտիվների և պարտավորությունների հետևյալ կատեգորիաներին.

Ֆինանսական ակտիվներ

Հազար դրամ	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
<i>Դերիտորական պարտքեր</i>		
Առևտրային դերիտորական պարտքեր	325,903	443,955
Մնացորդներ դրամարկղում և բանկերում	171,652	62,483
	<u>497,555</u>	<u>506,438</u>
<i>Ֆինանսական պարտավորություններ</i>		
Հազար դրամ	2022թ. դեկտեմբերի 31-ի դրությամբ	2021թ. դեկտեմբերի 31-ի դրությամբ
Ամբողջացված արժեքով հաշվառվող ֆինանսական պարտավորություններ		
Առևտրային և այլ կրեդիտորական պարտքեր	524,901	156,570
	<u>524,901</u>	<u>156,570</u>

17 Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Խումբը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը: Խումբը չի ներգրավված սպեկուլյատիվ նպատակներով ֆինանսական ակտիվների ակտիվ առքուվաճառքի գործարքներում, ինչպես նաև չի թողարկում օպցիոններ: Առավել էական ֆինանսական ռիսկերը, որոնց Խումբը կարող է ենթարկվել, նկարագրված են ստորև:

17.1 Ֆինանսական ռիսկի գործոններ

ա) Շուկայական ռիսկ

Ֆինանսական գործիքների օգտագործման ընթացքում Խումբը ենթարկվում է շուկայական ռիսկի, հատկապես՝ արտարժույթային ռիսկի, տոկոսադրույքային ռիսկի և որոշակի այլ գնային ռիսկերի, որոնք բխում են ինչպես գործառնական, այնպես էլ ներդրումային գործունեությունից:

բ) Արտարժույթային ռիսկ

Խումբը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը: Մայր Ընկերության գործարքների հիմնական մասն իրականացվում է հայկական դրամով: Դուստր Ընկերության գործարքների հիմնական մասն իրականացվում է վրացական լարիով: Արտարժույթի փոխարժեքային տատանումներից կախվածությունն առաջանում է դերիտորական և կրեդիտորական պարտքերից:

գ) Պարտքային ռիսկ

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Խումբը ֆինանսական կորուստներ կարող է կրել:

Հաշվետու ամսաթվի դրությամբ նշանակալի պարտքային ռիսկի կենտրոնացում առկա չէ: Առավելագույն պարտքային ռիսկը ներկայացված է ֆինանսական վիճակի մասին համախմբված հաշվետվությունում՝ յուրաքանչյուր ֆինանսական ակտիվի հաշվեկշռային արժեքով:

դ) Իրացվելիության ռիսկ

Խումբը վարում է իրացվելիության կառավարման քաղաքականություն՝ պահելով բավարար դրամական միջոցներ և դրանց համարժեքներ, ինչպես նաև բարձր իրացվելիություն ունեցող ակտիվներ՝ ժամանակին գործառնական պարտավորությունները մարելու նպատակով:

18 Իրական արժեքի չափում

Ղեկավարության համոզմամբ՝ համախմբված ֆինանսական հաշվետվություններում ամորտիզացված արժեքով ճանաչված ֆինանսական ակտիվների և պարտավորությունների հաշվեկշռային արժեքները գրեթե հավասար են դրանց իրական արժեքին:

19 Պայմանականություններ

19.1 Գործարար միջավայր

Հայաստանում իրականացվող քաղաքական և տնտեսական փոփոխությունները, ինչպես նաև իրավական, հարկային և օրենսդրական համակարգերի զարգացումը շարունակական բնույթ են կրում: Հայաստանի տնտեսության կայունությունը և զարգացումը մեծապես կախված է այս փոփոխություններից: Կառավարությունը հաստատել է արդյունավետ կառավարման իր հանձնառությունը, որը ենթադրում է հակակոռուպցիոն ջանքեր, թափանցիկություն և հաշվետվողականություն:

Ուկրաինայում բռնկված հակամարտությունը պատճառ դարձավ, որ հազարավոր ռուսներ և ուկրաինացիներ տեղափոխվեն Հայաստանի Հանրապետություն: Սա վերաբերում է ոչ միայն անհատներին, այլ նաև ձեռնարկություններին, որոնք հիմնադրվել և իրենց գործունեությունը ծավալել են այդ երկրներում: Դա հանգեցրեց հայկական շուկա արտարժույթի ներհոսքի ավելացմանը, ինչի հետևանքով հայկական դրամը զգալի արժևորվեց ԱՄՆ դոլարի և եվրոյի նկատմամբ: Մյուս կողմից, ՀՀ կենտրոնական բանկը ոչ մի միջոց չձեռնարկեց, որպեսզի թուլացնի հայկական ազգային արժույթի դիրքերը:

Վերոնշյալ իրադարձությունները կարող են հետագայում էական ազդեցություն ունենալ Խմբի ապագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին: Ապագա տնտեսական և քաղաքական իրավիճակը և վերջիններիս ազդեցությունը Խմբի գործունեության վրա կարող են տարբերվել Խմբի ղեկավարության ներկա սպասումներից:

Տվյալ ֆինանսական համախմբված հաշվետվությունները չեն արտացոլում վերը նկարագրվածի հնարավոր ապագա ազդեցությունը Խմբի գործունեության վրա:

19.2 Ապահովագրություն

Խումբն ունի առողջապահական ապահովագրություն աշխատակիցների համար:

19.3 Հարկեր

Հայաստանի Հանրապետությունում հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են առաջադրել տուգանքներ և տույժեր:

Վերոհիշյալ հանգամանքները կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ՝ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել:

20 Գործարքներ կապակցված կողմերի միջև

20.1 Վերահսկողություն

Խումբը վերահսկվում է միակ մասնակցի կողմից:

20.2 Գործարքներ ղեկավարության հետ

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը,

Հազար դրամ	2022թ. դեկտեմբերի 31-ին ավարտված տարի	2021թ. դեկտեմբերի 31-ին ավարտված տարի
Աշխատավարձ և պարգևատրումներ	185,726	139,973

21 Համախմբման հիմքերը

Խմբի ֆինանսական հաշվետվությունները համախմբում են մայր ընկերության և իր դուստր ընկերության՝ 2022թ. դեկտեմբերի 31-ի դրությամբ ֆինանսական հաշվետվությունները: Դուստր ընկերության հաշվետու ամսաթիվը դեկտեմբերի 31-ն է:

Համախմբման ժամանակ Խմբի ընկերությունների միջև բոլոր գործարքները և մնացորդները բացառվում են, ներառյալ Խմբի ընկերությունների միջև գործարքների արդյունքում չվատակված օգուտները և չկրած վնասները: Երբ ակտիվի ներխմային վաճառքից առաջացող չկրած վնասը համախմբման ժամանակ հակադարձվում է, հիմքում ընկած ակտիվը նաև ենթարկվում է արժեզրկվածության գծով ստուգման՝ Խմբի տեսանկյունից:

Տարվա ընթացքում ձեռք բերած կամ օտարած դուստր ընկերության շահույթը կամ վնասը և այլ համապարփակ արդյունքը ճանաչվում են ձեռքբերման ամսաթվից կամ մինչև օտարման ամսաթիվը, որը կիրառելի է:

Խումբը դուստր ընկերության ընդհանուր համախառն եկամուտը կամ վնասը բաշխում է մայր ընկերության սեփականատերերի միջև՝ առաջնորդվելով սեփականության համապատասխան բաժնեմասով:

Ֆինանսական վիճակի մասին համախմբված հաշվետվություն

	2022թ. դեկտեմբերի 31-ի դրությամբ Համախմբված	2022թ. դեկտեմբերի 31-ի դրությամբ Մայր	2022թ. դեկտեմբերի 31-ի դրությամբ Դուստր
Հազար դրամ			
Ակտիվներ			
<i>Ոչ ընթացիկ ակտիվներ</i>			
Հիմնական միջոցներ	427,194	306,925	120,269
Ոչ նյութական ակտիվներ	1,560	972	588
Հետաձգված հարկային ակտիվներ	80,611	80,611	-
	<u>509,365</u>	<u>388,508</u>	<u>120,857</u>
<i>Ընթացիկ ակտիվներ</i>	-	-	-
Պաշարներ	219	-	219
Առևտրային և այլ դեբիտորական պարտքեր	491,346	458,775	32,571
Մնացորդներ դրամարկդում և բանկերում	171,652	126,058	45,594
	<u>663,217</u>	<u>584,833</u>	<u>78,384</u>
Ընդամենը ակտիվներ	<u>1,172,582</u>	<u>973,341</u>	<u>199,241</u>
Սեփական կապիտալ և պարտավորություններ	-	-	-
<i>Կապիտալ և պահուստներ</i>	-	-	-
Կանոնադրական կապիտալ	10	10	-
Արտարժույթի վերագնահատման պահուստ	(1,458)	-	(1,458)
Կուտակված շահույթ	125,968	55,713	70,255
	<u>124,520</u>	<u>55,723</u>	<u>68,797</u>
<i>Ընթացիկ պարտավորություններ</i>	-	-	-
Առևտրային և այլ կրեդիտորական պարտքեր	981,830	851,455	130,375
Շահութահարկի գծով պարտավորություն	66,232	66,163	69
	<u>1,048,062</u>	<u>917,618</u>	<u>130,444</u>
Ընդամենը սեփական կապիտալ և պարտավորություններ	<u>1,172,582</u>	<u>973,341</u>	<u>199,241</u>

Համապարփակ ֆինանսական արդյունքների մասին համախմբված հաշվետվություն

	2022թ. դեկտեմբերի 31-ին ավարտված տարի Համախմբված	2022թ. դեկտեմբերի 31-ին ավարտված տարի Մայր	2022թ. դեկտեմբերի 31-ին ավարտված տարի Դուստր
<i>Հազար դրամ</i>			
Հասույթ	14,174,956	12,556,556	1,618,400
Այլ եկամուտ	508,941	506,720	2,221
	<u>14,683,897</u>	<u>13,063,276</u>	<u>1,620,621</u>
Աշխատավարձի ծախսեր	(13,365,223)	(12,009,566)	(1,355,657)
Մաշվածություն և ամորտիզացիա	(253,753)	(213,482)	(40,271)
Այլ ծախսեր	(1,062,967)	(914,467)	(148,500)
	<u>1,954</u>	<u>(74,239)</u>	<u>76,193</u>
Ֆինանսական ծախսեր	(547)	(547)	
Փոխարժեքային տարբերությունից օգուտ	76,174	75,970	204
Շահույթ մինչև հարկելը	<u>77,581</u>	<u>1,184</u>	<u>76,397</u>
Շահութահարկի գծով ծախս	(47,497)	(47,056)	(441)
Զուտ շահույթ	<u>30,084</u>	<u>(45,872)</u>	<u>75,956</u>
Այլ համապարփակ ֆինանսական արդյունքներ	-	-	-
<i>Հոդվածներ, որոնք հետազայում չեն վերադասակարգվի շահույթին կամ վնասին</i>	-	-	-
Արտարժույթի վերագնահատման պահուստ	(1,515)	-	(1,515)
<i>Հոդվածներ, որոնք հետազայում կվերադասակարգվեն շահույթին կամ վնասին</i>	-	-	-
Տարվա այլ համապարփակ ֆինանսական արդյունքներ հարկումից հետո	-	-	-
Ընդամենը տարվա համապարփակ ֆինանսական արդյունքներ	<u>28,569</u>	<u>(45,872)</u>	<u>74,441</u>